



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## Agiudus po su Deretu a su stùdiu 2022

**Bussa de stùdiu regionali – a.s. 2021/2022 (L.R. 5/2015)**

**Bonus liburus - a.s. 2022/2023 (Art. 27 L.448/1998)**

Si fait sciri a is tzitadinus chi sunt stètius ativaus is interventus po su Deretu a su stùdiu, chi pertocant is studiantis chi bivint is Sestu, chi sighint innoi a suta:

### **BUSSA DE STÙDIU REGIONALI (a. s. 2021/2022)**

Pertocat is studiantis de is scolas de primìtziu e de is scolas secundàrias de primu e de segundu gradu (**a foras de is beneficiàrius de sa Bussa de stùdiu natzionali 2021/2022**), cun inditadori de sa situatzioni econòmica ecuivalenti (I.S.E.E.) chi est in balidità, segundu su D.P.C.M. n°159/2013, prus bàsciu o paris a **€ 14.650,00**.

### **BONUS LÌBURUS (a. s. 2022/2023)**

Pertocat is studiantis de is scolas secundàrias de primu e de segundu gradu cun inditadori de sa situatzioni econòmica ecuivalenti (I.S.E.E.) chi est in balidità, segundu su D.P.C.M. n°159/2013, prus bàsciu o paris a **€ 20.000,00**.

### **MODALIDADI DE PRESENTADA DE SA DIMANDA**

**Si marcat chi depint essi presentadas duas dimandas scrobadas IN-LÌNIA, una po dònna agiudu.**

Podint intregai sa dimanda online sceti a su Comune innui bivint (intrendi in sa "Stanza del Cittadino") in su liòngiu chi sighit:

<https://www2.stanzadelcittadino.it/comune-di-sestu/it/servizi/gruppo/pubblica-istruzione>

**INTRA DE IS 11:59 DE SU SERO DE SU 4 DE DONNIASANTU 2022:**

Su babu, sa mama, su rapresentanti legali de su studianti o su studianti etotu si majori de

edadi, depint cumpilai su mollu in-linia dedicau.

**DONAI ATENTZIONI:** si cunsillant is chi depint intregai sa dimanda a ddu fai intra de unu tèrmini chi permitat de fai de mancu a calisiat strobu. Si fait sciri chi su sistema non permitit de intregai sa dimanda a pustis de su tèrmini stabilèssiu e duncas sa dimanda, mancai chi siat cumpilada, abarrat in brutacòpia e non at a arresurtai intregada. Si pedit de averiguai s'arricimentu de sa mail chi cunfermat s'intregu curretu de sa dimanda e de cussa chi averiguat sa protocollazioni de sa matessi.

Alliongiai is paperis chi sighint:

1. Còpia de su documentu de arriconnoscimentu bàlidu de chini fait sa dimanda (si podit fai fintzas cun intrada SPID);
2. Còpia chi testimongit s'ISEE 2022, arregulari (sena de mancàntzias o irreguladidadis), chi est in balidadadi (scadèntzia intra de su 31/12/2022) e cun totus is 3 pàginas, nisciuna esclùdia; non depint essi alliongiadas DSU;
3. Còpia de su còdixi IBAN de su contu currenti o de sa carta prepagada chi at a arriciri s'acrèdidu;
4. Po su bonus liburus sceti: còpia de is paperis de spèndida, mellus si assetiaus in PDF.

Si marcat chi ant a essi arreconnòscias, sceti, is spèndidas documentadas de faturas, scontrinus fiscalis, arricidas fiscalis o testimongiàntzias de spèndidas de su servìtziu clientis. Non funt pigaus in consideru òrdinis in-linia o notas de intregu. Si marcat chi si podint amiti, e duncas si podit fai su rimborsu, is spèndidas chi pertocant is còmporas de is liburus de testu imperaus de sa scola frequentada. Funt escruias is spèndidas po sa còmpora de: materiali imparadori, ditzionàrius, ainas de mùsica, cantzilleria, cobertinas de liburus, spèndidas po sa tragada (trasporto), spèndidas po rètulus (contrassegno) o àteras genias de spèndida chi non pertocant is liburus scolàsticus. Si pedit duncas de alliongiai is paperis chi s'arreferrint a is liburus comporaus sceti.

### **Funt arrexoni de escruida de su benefitziu:**

- Sa presentada o arricimentu de is dimandas a pustis de su tèrmini previdiu de custu Avisu;
- Sa mancàntzia de rechisius chi funt pedius in custu Avisu;
- Sa fràssia de cussu chi s'est decrarau me is dimandas intregadas;
- Is dimandas sena de testimongiàntzia ISEE o cun s'ISEE frassu o diferentu;
- Is dimandas sena de paperi de identidadi bàlidu de su pregontadori. A foras de chini ddu fait cun SPID.

### **MOLLUS E INFORMATZIONIS**

Is mollus de imperai funt a disponimentu in su giassu web de su Comunu de Sestu in sa setzioni Home page, in s'Albo online, in sa setzioni Stanza del cittadino.

## **INFORMATIVA PRIVACY**

Si pedit de castiai s'informativa Privacy alliogiada

- Po informatzionis: Ufitziu de s'imparu pùblicu
- Telèfunu: 070 2360257-258-259
- Email: [pubblica.istruzione@comune.sestu.ca.it](mailto:pubblica.istruzione@comune.sestu.ca.it)

S'avisu e s'informativa s'agatat in custu liòngiu:

<https://www.comune.sestu.ca.it/index.php/2022/10/25/contributi-per-il-diritto-allo-studio-2022/>